

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

Articulus I. Quid sit faturum?

---

[urn:nbn:de:hbz:466:1-73455](#)

de petenda sit Divina scientia certitudo respectu futurorum contingentium absque liberi arbitrii praediudicio, ne in Calvini casses incidat, bicorni ipsius dilemmate conticuitus: *aut DEVS scit me salvandum, aut non salvandum, &c.* Ubi merito observat illustris Reding hic q. 5. a. 4. controv. 1. conclusum fuisse apud Antiquos, DEUM futura ratione suae voluntatis & decreti cognoscere, ita ut unum esset in praesenti punto antiquis Doctribus Theologiae labium, ipsa quoque D. Thomae & Scoti Scholae concordarent in unum. At vero dum RR. novam struunt sententiam scientiae mediae, ipsis contingit, quod turris Babilonicae aedificatoribus, ut nempe illorum lingue confunderentur, & non audiret unusquisque linguam sui proximi, dum in tot dividuntur sententias, quot fere sunt capita, quarum diversas refert allegatus Reding. Huius porro controversie resolutio cum dependeat ab illa questione, in quo consistat rerum futurio, & quomodo possit esse cognoscibilis, ideo sit.

## ARTICULUS I.

Quid sit futurum?

## SUMMARI A.

1. *Divisio futuri in necessarium & contingens.*
2. *Futuro contingentis, in absolute & conditionate futurum.*
3. *Omnia futura pertinent ad objectum Divine scientie.*
4. *Certiudinem Divinae scientie non salvat presentia coexistentia futurorum in aeternitate.*
5. *Futuri explicatio apud Recentiores.*
6. *Definitio futuri Thomistica.*
7. *Auctoritas S. P. Augustini.*
8. *Auctoritas Doctoris Angelici.*
9. *Imponatio contraria definitionis.*
10. *Ratio prima, quod denominatio futuritionis non posse esse intrinseca.*
11. *Ratio secunda, quod per determinationem causa res futura exarabantur e statu possibilium.*
12. *Eliatur Adversariorum responsio.*
13. *Quenam sit simpliciter futura, quae non?*
14. *Quenam de futuris contingentibus detur scientia?*
15. *Denominatio futuri convenit de praesenti.*
16. *Veritas futurorum contingentium non est in se determinata, sicut præteriorum.*
17. *Necessitas propositionis disjunctiva, & regulæ contradicitoriarum non evincunt determinationem veritatem & falsitatem propositionum de futuris contingentibus.*
18. *Propositio de futuro quomodo differat à propositione de inesse?*
19. *Implicita futuriorio presupposita omni decreto DEI in doctrina D. Thome.*
20. *Et S. Augustini.*
21. *Rationes implicantia.*
22. *Occurrunt Adversariorum responsioni.*
23. *Falsitas propositionum de futuris contingentibus ante decretu DEI.*
24. *Quis sit sensus disjunctiva propositionis: Antichristus vel erit, vel non erit?*
25. *Propositio: Antichristus erit, ante decretum non datur.*
26. *Ex duabus propositionibus de futuris contingentibus neutra est determinata vera, vel falsa.*

**S. I.**  
Præsupposita.  
**S**UPpono primò. Futurum aliud esse necessariò futurum, aliud contingentem: necessariò futurum est, quod habet causam tui necessariam; contingentem, quod habet causam fallibilem. Futura necessaria à Divina scientia certissimè cognosci manifestum est, siquidem scientia comprehensiva causa etiam comprehendit omnes effectus necessariò contentos in illa: cum ergo Divina scientia perfectissimè comprehendat omnes causas creatas, consequenter etiam comprehendit omnes effectus necessariò contentos in iisdem.  
 Suppono secundò. Futurum contingentem dividit in absolute & conditionare futurum. Illud est, quod est aliquando ponendum extra causas in certa temporis differentia, nec refert, quantumvis eorum existentia ab aliqua condicione pendeat, dummodo & ipsa conditio sit implenda. Conditionate futurum dicimus, quod non est, sed esset ponendum extra suas causas, si qua conditio impletur, qua tamen nunquam impletur: veluti quid Sidonii essent convertendi, si Christus apud ipsos haec signa faceret, qua fecit apud Iudeos, & nunquam facturus fuit apud Sidonios.

Q 3

Sup.

3. Suppono tertio tanquam de fide certum, futura non tantum certa, qua necessariam habent connexionem cum suis causis, sed etiam contingens, que contingenter & fallibiliter connectuntur, sub Divina scientia objecto contineri, contraria quam olim cum Ethnici compluribus existimabat Cicero 1. 2. d. nat. deorum, afferens, eos solùm effectus & eventus à DEO cognosci, qui à causis naturalibus pendent. Hoc quippe evincent plurima Script. testimonia, quibus futurorum contingentium scientia DEO assisteret, ut pl. 138. Dan. 15. Is. 14. unde Tertull. 2. contr. Marc. *Præscientia*, inquit, *DEI tot habet sejtes, quod fecit prophetas*. Et S. August. 5. d. Civ. c. 9. *Confiteri esse DEUM, & negare præscientiam futurorum, apertissima insanta est*. Ratio quoque est, quod nec DEUS haberet infinitam scientiam, nisi omne cognoscibile comprehendenseret, nec infinitam de rebus providentiam, nisi ipsius cognitioni etiam futura contingens subjecerentur. Quod non modo de futuris contingentibus, à nulla conditione pendebut, sed etiam conditionatis, & à conditione quamvis nunquam ponenda & purificanda pendebut dicendum esse, constabit ex iis, quae seq. disp. trademus.

4. Suppono quartum. Quamvis non tantum ratio clarae intuitionis, sed etiam aliqua certitudine & infallibilitas divinae scientiae ex parte objecti in præsentiam & coexistentiam rerum in æternitate refundi possit, eò quod nihil dum existit, non existere, atque adeò divinam scientiam fallere posse; tamen hanc rerum præsentiam nec esse adæquatam, nec ultimatum rationem certitudinis in scientia futurorum: Non adæquatam, quia contingens futura pure conditionata certo sciuntur à DEO, quamvis nullam habeant præsentiam in æternitate; quippe nunquam extra causas ponenda: Non etiam ultimatum, quia nisi presupponatur res in sua duratione futura, non habet, unde æternitati divinae coexistat. Ideo quippe res futura DEO sunt in æternitate præsentes, quia æternitas fuā simultanea mensuratione continet omnem inferiorum durationis & temporis differentiam: ergo nisi res in aliqua parte & differentia temporis futuri supponantur, non est, unde ab æternitate DEI contineantur, atque ita refolvit Eminentius. noster Aguirre in Monolog. tract. 3. disp. 46. le. 2.

## §. II.

### Definitio Thomistica futuri.

5. Communior Recentiorum, ut viam sternat pro scientia media, repudiata antiquorum definitione, futurum definit, esse illud, quod modo non habet, sed habebit existentiam in tempore subsequenti: ita ut essentia futuritionis nihil aliud dicat, quam negationem existentiae pro ipso tempore futuritionis, & ipsam existentiam postponendam. Unde docent primò. In futuritione rerum duo instantia comprehendi, quorum una habet veluti terminus à quo, alterum veluti terminus ad quem. In priori instanti, quo res enuntiatur futura, non magis est, quam res possibilis, ut enim D. Augst. 1. 11. Confess. c. 14. & seq. *Quod autem nunc liquet & clares, neque futura*

*sunt, neque præterita.* In secundo instanti res futura eriam non est, sed erit, quando illud ipsum instans erit, in quo fore supponitur.

Unde docent secundò. Denominationem futuri non esse defumendam ab aliqua præfenti formalitate, sed per habitudinem ad illud instans, in quo erit, cum de præsenti res futura nihil sit; id est, quæ rectius dici de futuris, quod existent vel erunt, quæ quid sim futura.

Docent tertio. Dupliciter rem dici determinatam, vel indeterminatam. Intrinsecè & formaliter, ac rursus extrinsecè & causaliter. Intrinsecè & formaliter quodlibet est determinatum per suum entitatem: & in hoc nulla est, ajunt, differentia inter actum liberum, & necessarium: quia non minus amor DEI v.g. liberè elicitus, est perfummet entitatem formaliter limitatus & determinatus ad certam (speciem & individuum) actum, quam calor, quem ignis efficit necessarij, per suum entitatem sit determinatus formaliter ad speciem & individuum caloris. Extrinsecè & causaliter aliquid est determinatum per extrinsecam denominationem à sua causa, & in hoc est differentia inter actum actum liberum ac necessarium: actus enim liber, quia procedit à causa determinata: est etiam extrinsecè & causaliter determinatus: contra actus liber est extrinsecè indeterminatus, quia procedit à causa indifferente.

Ex hoc deducunt & Docent quartò: veritatem de futuro contingenti, non minus esse formaliter determinatam, quam de futuro necessario. Si enim primum instantis & terminum à quo futuri contingenti consideres, si neutrum est in formaliter: si posterius instantis, & terminum ad quem, tunc pari determinatione intrinsecè utique effectus correspondet huic instanti, pro qua enuntiatur futurus, & sola manet differentia quod ad determinationem extrinsecam.

Docent quintò, ex duabus propositionibus contradictoris de futuris contingentibus v.g. *Antichristus erit, Antichristus non erit*; non minus alteram esse determinatè veram, vel faliam, quam de præsentibus & præteritis. v.g. *Antichristus fuit*, quia sicur veritas hujus propositionis habetur ex suppositione instantis præteriti, in quo de præfenti fuit verum dicere; *Antichristus est*, habuitque objectum intrinsecam determinationem sua veritatis, ita hæc propositione *Antichristus erit*, habet suam veritatem ex suppositione instantis futuri, in quo hæc propositione de inesse (*Antichristus est*) erit vera, & habebit intrinsecam determinationem. Quando Aristot. in l. 1. de interpret. contrarium sensit, ajunt, illum vel suis locutum de veritate & falsitate propositionum in ordine ad nos, non ad cognitionem divinam, vel esse errorum ipsius Theologo non curandum. Ita ferè teniunt RR. cum Veckeno disp. 18. c. 4. & tandem ex horum omnium suppositione concludunt, cum ex duabus propositionibus de futuris contingentibus altera ab intrinseco debeat esse determinatè vera, altera determinatè falsa; tandem quoque veritatem divinæ cognitionis, quippe quam nullum verum & cognoscibile latere potest, antecedenter ad omne decretum objicit, sive illa videat immediatè in se ipsis, sive in sua essentia tanquam specie, vel speculo representante.

CON-

CONCLUS' O. *Futurum recte definitur, id quod si determinatum in causa ad habendam existentiam in duratione sequenti, sive ut alii fuisse: quod nondum habet existentiam in se ipso, habet tamen illam in causis preparatis & ordinatis ad hanc ipsi conferendam in tempore subsequenti Ita S. Th. ejusque sequaces.*

Probatur primò auctoritate D. Augustini, de corrept. & grat. c. 9. & 6. de gen. ad litt. c. 17. dicentes: *DEUS futura facere, nihil aliud esse, quam eorum causas preparare, & tract. 105. DEUS omnia futura praefinavit.*

Probatur secundò clara auctoritate Ang. Doct. hinc 13. alio, inquit, modo considerari contingit, ut si in sua causa, & ita consideratur ut futurum. Ecce ista q. 16. a. 7. ad 3. Illud quod nunc est, ex eo futurum fuit, antequam esset, quia in causa sua erat, ut fieret, unde sublatè causa non effetur, ut illud fieri. Et paulò post: *ea quae sunt, non semper futurum esse futura, nisi quatenus in causa temporis sunt, ut efficiunt futura, que quidem causa sola DEUS est.* Item q. 2. d. ver. a. 12. in c. & ad 7. Cum dicitur, *hoc est futurum, designatur ordo, qui est in causis illius rei ad productionem eius.* Similia habet q. 12. de ver. a. 10. ad 2. & alibi.

Probatur tertio impugnatione opinionis Adversariorum. Potest aliquid esse & dici futurum, quod tamen nunquam erit, sive de quo nunquam verificabitur esse in tempore praesenti: ergo non est verum, tandem illud esse futurum, quod aliquando erit. Antecedens probatur primò ex Philosopho 2. de gener. cc. 64. dicente, *quod futurum quis incedre, non incedet.* Et I. divinitus per sonm. c. 2. omnino non omne sit, quod futurum est.

Secundò probatur experientia & auctoritate script. in qua continentur propositiones de futuro, quarum tamen eventus non fuerunt secuti. Ita Is. 38. dicitur, *Dipone domus tua, quia morieris tu, & non vives.* Jonæ 2. *Aduic 40. dies & Ninius subvertere,* & tamen neuer eventus sicut subsecutus, quia causa, in quarum præparatione futuri erant isti eventus, fuerunt immutata & impedita.

10. Probatur quartò hæc ratione: denominatio futuritionis, seu quod aliqua res sit determinata futura, non potest esse rei denominata intrinseca, nam res futura pro statu futuritionis in se ipsis nihil sunt, ac proinde secundum omnia sibi intrinseca sunt indifferentes ad esse & non esse: immo incapaces ad recipiendam realem intrinsecam denominationem, ergo tantum potest esse denominatio extrinseca; sed non aliunde quam à causa, cum alia forma denominans non sit assignabilis. Si à causa, tunc non ab illa ut indeterminata & indifferente, quia determinatus effectus requirit causam determinatam: neque ab ipsa ut habente solam virtutem & potentiam producendi, quia sic effectus tantum tribuit denominationem possibilis, ergo ab illa ut ordinata & determinata ad producendum effectum.

11. Probatur quintò. Per illud res futura in esse & statu futuri formaliter constituantur, per quod formaliter extrahuntur à statu puræ possibilis ad statum existentia postea habenda (in hoc enim

possibilia & futura pariter distinguuntur à praesentibus & præteritis, quod nec habeant, nec haeruerint actualem existentiam, differunt autem quod possibilia ut sic sint indifference ad accipientiam existentiam, futura vero non sint indifference, sed determinata ad illam accipientiam) atque res futura formaliter extrahuntur à statu possibilis per præparationem & determinationem causæ. ergo. Minor probatur: quia hoc formale distinctivum à statu possibilis vel esset negatio præsentis existentiae, vel tempus prædicens rei existentiam, vel utrumque unà cum habitudine ad existentiam postea obtainendari, vel tandem determinatio causæ. Non rei negatio & tempus prædicens, quia utrumque est indifference ad elle & non esse rei pro tempore sequenti, & sic reperitur in re merè possibili: non etiam habitudo, quia cum tempus & negatio sint ex se indifference, illa determinata habitudo ipsiis non aliunde, quā ex causarum præparatione & determinatione convenire potest, quod ipsum in quarto membro disjunctionis inferatur.

Dices fortè: formant denominativè constitutivam rei futuræ esse existentiam postea habendam. Sed contra est primò, ut illa existentia, que acta nihil est, potius sit habenda, quam non habenda, debet habere ab aliquo distinctivo à statu pure possibilis, sed hoc non est nisi præparatio & determinatio causa. ergo.

Contra est secundò. Res verè realiter denominatur futura etiam ab eterno ante omnem existentiam praesentem, ut affirmat S. D. præcit q. 16. a. 7. sed non potest talis denominari, nisi propter reale prædicatum, ipsam distinguens à re merè possibili, quod non est existentia, que nondum est posita extra causas.

### §. III.

#### Corollaria quædam ex dictis.

I. Inferes ex dictis primò: sicut duplex est determinatio causæ, una fallibilis & impedibilis, altera infallibilis & inimpedibilis; ita effectus alii qui sunt simpliciter futuri, qui nimis habent infallibilem determinationem in causa, alii tandem sunt futuri secundum quid, & cum addito, in determinatione causæ. Respectu causa primæ omnia futura sunt simpliciter futura, quia hujus determinationis ab alia causa falli aut impediti nequit. At vero causa secundæ, quia falli & impediti possunt vel à prima causa, vel aliquando ab aliis causis secundis; ut fructus arboris prunæ, grandine, &c. ideo non tribuant effectui denominacionem futuri simpliciter, sed tantum futuri secundum quid. Et ex istis futuris aliqui sufficiunt ad rationem scientiæ propriæ dictæ, scilicet illa, quæ habent necessariam determinationem in causis secundis, non nisi divinitus impedibilem, sicut est ecclipsis solaris; aliqua vero sollemmodo cognitionem conjecturalem terminant, si nempe ab aliis causis secundis impediti possint: Quomodo de futuro arboris fructu non nisi conjecturale iudicium formamus, quia vento, grandine, &c. impediti potest.

In se.

14. Inferes secundò. De futuris contingentibus diversi respectu dari & non dari scientiam. Nempe contingens illud dicitur, quod potest esse, & non esse: adeoque cùm omnis creatura possit non esse; omnis etiam creatura respectu causæ primæ contingens est. Respectu causæ secundæ effectus duplo modo dicuntur contingentes. Primo, si quidem habent necessariam determinationem causæ, impediti tamen possunt ab alia causa secunda, ut fructus arboris, de quo primum. Secundo si continentur in causa intrinsecè liberi & indifferenti, quo modo actus liberi arbitrii sunt contingentes, de quibus etiam hoc loco controvertitur. Vehementer contingenta considerantur, prout continentur in causa prima determinata ad dandum ipsis esse in aliqua temporis differentia, & tunc quia induunt rationem futuri simpliciter, sufficient ad terminandam scientiam: vel considerantur, pro ut continentur in causa prolsus indifferenti & indeterminata, ut sunt actus liberi arbitrii, & de ipsis comparativè ad eumodi causas indifferentes nulla datur scientia ob oppositam rationem, quia videlicet sub hac ratione non habent esse determinate futurum: nam de objecto ut incerto & indeterminato, non potest haberi certa notitia: sed contingentes prout continentur in causa indeterminata & indifferenti, sic habent esse incertum & indeterminatum: ergo de ipsis ut sic certa notitia haberi non potest. Quod S. Doct. claris verbis docuit hic a. 13. *Causa contingens se habet ad oppositam, & se contingens ut futurum non subdit per certitudinem aliqui cognitioni: unde quicunque cognoscit effectum contingentem in sua causatantum, non habet de eo nisi conjecturalem cognitionem.*

Clarissime vero in 1. sent. dist. 38. q. 1. a. 5. in c. ubi sic loquitur: *scientiam est igitur, quod antequam res sit, non potest esse in suis causis; sed quendam sunt, ex quibus necessario sequitur effectus, quem impedit non possunt, & in ipsis habet causam esse certam & determinatum, adeo quod possit ibi demonstrative fieri, sicut est ortus solis, & ecclipsis, & hujusmodi: quendam sunt causæ, ex quibus consequuntur effectus, ut in majori parte, sed tamen in minori deficiunt: unde in ipsis effectus non habent certitudinem absolutam, sed quendam, & ideo per ipsis causas posse accipi scientiam conjecturalis: sed quendam causæ sunt, quæ se habent ad utrumque, & in ipsis effectus de futuro nullam habent certitudinem, vel determinationem, & ideo contingencia ad utrumlibet in causis suis nullo modo cognosci possunt. Hæc S. Doctor.*

15. Inferes tertio. Quamvis futura dicantur per habitudinem ad esse, aliquando habendum in tempore praesenti, denominationem tamen futuri esse formalitatem, qua ipsis actu de praesenti & ex determinatione causa convenient: nam habitudo ipsa, quam dicunt ad illud instantem, in quo existent, non convenit ipsis pro illo instanti, quando erunt extra causas. Ac rursus: cùm ex le ipsis non sint, & tam bene possint non esse, quam esse, non est, unde dicant habitudinem ad esse in tempore sequenti habendum, nisi ex ipsa determinatione causa.

16. Inferes quartò: Veritatem futurorum contingentium non esse ita intrinsecè determinatam,

sicut est veritas præteriorum & prætentium: hæc enim, quia supponit effectum extra causas positum, habet intrinsecum determinativum sive veritatem, ut veritas futurorum, cùm non supponat aliud esse ipsis extra causas positum, sed intra causas contentum, hoc ipso nullum habet intrinsecum determinativum.

Inferes quinto. Neque ex necessitate propositionis disjunctiva, neque ex regulis contradictioriarum rectè inferri determinatam veritatem & falsitatem propositionis de futuris contingentibus. Non ex necessitate propositionis disjunctivæ; quia modo alterum membrum disjunctiva propositionis in suppositione confusa & indeterminata sit verum; insufficiens salvatur veritas & necessitas ipsius: veluti cùm dicitur, *vel dexter vel sinistri oculus est necessarius ad videndum;* necessaria veritas hujus propositionis ex obbligato, quod vel hic vel ille, quamvis neuter determinat, sit necessarius ad videndum. Itaque quod hæc propositionis disjunctiva, *Petrus in his circumstantiis vel consentiet, vel non consentiet;* sit vera sufficit, quod ex propositionibus inclusis altera indeterminate sit futura: objectum quippe verificativum propositionis disjunctivæ est incompossibilitas utriusque membrum, qua salva remanet, quamdiu utrumque membrum simul verum, aut falso esse non potest. Non etiam rectè infertur ex lege contradictoriarum: nam & ista plus non exigit, quam ne utramque ex contradictoriis simul sit vera vel falsa, tametsi neutri ab intrinseco veritas determinata conveniat.

Inferes sexto. Non esse hanc differentiationem (quam Adversarii pretendent) inter propositionem de futuro & præterito, quod illa enunciatur nunc pro nunc; ista vero enunciatur nunc pro tunce, et quo inferunt determinationem veritatis ipsius non esse accipiendo ab aliquo praesenti, sive nunc pro nunc; sed potius ab aliquo sequente, sive a nunc pro tunce, nam propositiones de futuro, v. g. *Petrus currit,* per equipollentiam reduci debet ad istam, *Petrus habet futuritionem futurus;* vel: *Petri cursus habet futuritionem sua existentia,* adeoque enunciatur aliquid pro nunc cum ampliatione tamen & connotatio menire temporis subsequentis, qua connotatio deest propositioni de incelle, v. g. *Petrus currit.*

#### §. IV.

##### *Tria præcipua Corollaria.*

17. Inferes septimo. Nulhus rei futuritionem datius præsuppositivè ad omnem decretum DEI. Ita S. Doctor cit. hic a. 7. ad 3. *Ea, quæ sunt, non semper verum futuræ futura, nisi quatenus in causa sempiterna futuræ, ut essent futura: atqui non sicut in causa sempiterna, ut essent futura, quatenus concipiatur indifferens ad dandum ipsis existentias in tempore suo: sic enim res in ipsa continentur non ut futura, sed ut possibiles: ergo quatenus concipiatur determinata per decretum sive libere voluntatis. Rursus: in q. 12. de verit. a. 10. ad 12. Dicendum, inquit, quid causæ superiores, quæ sunt rerum rationes in divina præscientia, non quam deficiunt ab impletione futurorum effectuum,* sic

sent deficientes causas inferiores; & ideo in causis superioribus cognoscitur rerum eventus absolute, sed in inferioribus non nisi sub conditione. Ubi per rationes retum S. D. intelligit Divinas ideas, ut determinatas per decretum: sic enim dicit q. 3. de verit. a. 6. Idea eorum, que sunt, fuerunt, vel erant, determinatur a proposito Divina voluntatis. Sententia ergo certam futuritionem eventuum dependet a decreto Divina voluntatis.

20. Accedit authoritas D. Augustini. Nam iste l. 26. cont. Faustum c. 4. inquit: Non etenim futurum est, nisi quod voluntas DEI habet, ut futurum sit. Et l. 20. contra eundem c. 4. cum dixisset: tam non possunt futura non fieri, quam non fuisse facta praeterita, pro cauiali subiecti Divina voluntatis efficaciam: quia non est in DEI voluntate, ut si aliquid falsum, quo est verum; quia alias iam & eadem ratione effert falsum & verum.

21. R. resp. est primus. Sicut omne esse creatum est a DEO, tanquam causa prima & fonte essendi, sic & omnis positiva rerum futuratio, quod enim a se non potest esse, etiam a se non potest esse futurum; sed futurum non est a DEO, ut prima causa indifferens: ergo est ab ipso ut causa determinata per liberum decretum.

Secundus. In signo priori antecedente librum velle & decretum DEI creature sunt in statu meta possibilis, suntque indifferentes ad esse & non esse, quia ut sic terminant solum scientiam simplicis intelligentiae, qua est de possibilibus habentibus indifferenciam ad esse & non esse: ergo antecedenter ad omne decretum DEI nihil est & conceperit ut futurum.

Tertius. Quicquid DEUS cognoscit ut futurum, cognoscit per scientiam visionis, sed ista prelapponit decretum: ergo etiam cognitio & status futurorum presupponit decretum.

Quarto. Si futura haberent suam futuritionem in signo antecedente decretum DEI, omnia essent necessaria futura: consequens est absurdum, & destruit libertatem: ergo & antecedens. Secunda probatur: Nihil potest esse liberum, nisi dependenter a primo libero: sed primum liberum est liberum velle & decretum DEI: ergo antecedenter & praesupposito ad decretum DEI nihil potest esse liberum. Ideo quippe rerum possibilis non est a DEO libera, sed necessaria, & ab ipso immutabilis, quia presupponit omnem libertatem voluntati DEI: consequenter si etiam futurio est in signo possibilis rerum antecedenter ad omne decretum DEI, jam futura non subservient libera dispositioni DEI, sed omnia necessarii evenirent: quod est absurdissimum.

22. Neque dicas: futuritionem non fore necessariam nisi ex suppositione, quod res erit, que suppositione est libera, siquidem pendet ex determinatione libera voluntatis, sicut ex suppositione, quod res sit, non potest non fuisse. Contra enim est, quod vel ista suppositione libera determinationis aliquando pondere praedicti voluntatis divina decretum, & sic rursus erit necessaria, vel subficietur, & tunc habetur intentum.

23. Infers octavo: Falsas esse omnes propositiones de futuris contingentibus presuppositis ad omne decretum DEI: quia affirmant aliquid esse futurum, quod non est futurum. Similiter fal-

R. P. Mezg. Theol. Schol. Tom. I.

sa sunt omnes propositiones pro illo signo affirmantes non futuritionem: Siquidem in illo signo res creata sunt in statu purae possibilis & indifferente, ad esse & non esse. Unde in rigore pro illo signo neque verum est, quod Antichristus est, neque verum, quod non est: neque enim in illo statu est determinatus ad habendum esse, neque ad habendum non esse.

Sed inquis: Antecedenter ad omne decretum 24. vera est haec propositio: *Antichristus vel erit, vel non erit.* ergo etiam haec propositio *Antichristus erit,* que est una ex membris inclusis, debet esse determinata vera.

Resp. neg. conseq. & suppositum consequentis. consequentiam nego, quia objectum hujus propositionis disjunctiva est incompossibilitas duorum contradictiorum, que etiam in statu possibilis habet necessariam veritatem: hujus vero propositio *Antichristus erit*, objectum est actualis & exercita futuratio Antichristi, qui in illo signo non datur: suppositum quoque consequentis nego, quia particula disjunctiva, *vel*, in illa propositione non includit, sed disjungit membra; unde non tam sunt membra inclusa, quam a se mutuo exclusa. Sensus quippe illius propositionis per hanc aequivalentiam exponi debet: *Est impossibile Antichristum simul esse & non esse futurum.*

Aduic dicas: Jam ante decretum haec propositio 25. est: *Antichristus erit*, est conformis suo objecto: ergo in signo priori est determinata vera. Antec. probatur. Ideo post decretum est vera, & conformis objecto, quia ipsi respondebit in tempore sequenti existentia Antichristi: ergo ob eandem causam est vera & conformis objecto ante decretum.

Resp. ex dictis negando antecedens & suppositum, quod in isto signo dari possit illa propositio, ejusque objectum: *Antichristus erit*: debetur enim esse sensus: Antichristus est determinatus ad habendam existentiam, quod est simpliciter falsum. Et ad prob. vel nego vel distinguo antec. quia respondebit existentia, quatenus pro nunc determinata in sua causa, conc. secus nego.

Inf. res non: Non posse ex duabus propositio 26. nibus contradictoriis de futuris contingentibus alteram esse determinatam veram, alteram falsam independenter a denominatione causa: quia, ut vidimus, veritas determinata supponit esse determinatum; sed implicat esse futurum determinatum prævia ad omnem determinationem causa: ergo similiter implicat esse determinatam verum prævia ad omnem determinationem causa.

Sed inquis: Veritas & falsitas sunt proprietates 27. propositionum; sed proprietates convenienti essentiali antecedenter ad omnem determinationem: ergo etiam pro signo antecedente omnis causa etiam primæ determinationem propositio debet esse vera, vel falsa.

Resp. primò negando suppositum juxta supradicta, quod pro signo antecedente omnis causa etiam primæ determinationem detur talis propositio actualis. Resp. secundò, distinguendo majorum proprietates absolutæ convenienti rebus pro omni signo, conc. proprietas respectiva, nego. Disparitas est, quod respectivæ proprietates pen- deantur objecto, quo subtracto nec ipsa dantur;

unde

unde sicut in signo antecedente decretum, hanc propositio *Antichristus erit*, in scientia simplicis intelligentiae non nisi signata & ut possibilis relucet, ex suppositione, quod determinetur futuritio Antichristi; ita pariter in illo signo propter decretum objecti ipsius veritas non nisi ut possibilis sub tali conditione relucet.

## §. V.

## Solvuntur objections.

28. Objicies primò authorit. S. Augustini to. 6. l. 26. contr. Faust. c. 4. dicentis: *Tam non possumus futura non fieri, quam non fuisse facta præterita.* Infers: ergo sicut in signo antecedente decretum præterita habent determinatam veritatem, ita in eodem signo futura habent determinatam veritatem. Secundò S. Anselmus de conc. præsc. & prædict. c. 1. ubi dixit. *Rem vero futuram necesse est esse futuram*, subiungit hanc causalem: *quoniam futurum esse nequit, & non futurum*. ergo sicuti haec propositio antecedenter ad omne decretum DEI est vera: quod aliquid simul futurum, & non futurum esse non possit, ita etiam antecedenter ad omne decretum DEI, futura habent determinatam veritatem sua futuritionis.

Resp. utrumque S. Patrem loqui de futuro simpliciter & omnibus modis, adeoque dependente à decreto Divino, de quo verissimum est, ex suppositione sua futuritionis non posse non fieri, cum causa prima determinatio falli non possit.

Mens S. Augustini claret ex ejusdem verbis pro nostra assertione adductis. Neque de D. Anselmi mente dubitate fas est, cum de illo futuro loquatur, quod à DEO futurum præscitur, præscientia verò futurorum in ipsius sententia voluntatem & decretum supponat. Audi loquentem, & paulo inf. loco cit. exponentem, quomodo aliqua sint liberè futura, non obstante decreto DEI, quoniam, inquit, *quod DEVS vult, non potest non fieri, cum vult hominis voluntatem nullā cogi, vel prohibiri necessitate ad volendum, & vult effectum sequi voluntatem, tunc necesse est esse liberam, & esse, quod vult.*

29. Objicies secundo. Si rei futuritio formaliter considereret in determinatione causa, posset aliquid fieri in tempore, quod antecedenter non fuisset futurum, & aliquid esse futurum, quod nunquam esset præsens: sed hoc est absurdum, ergo. Prima sequela probatur: quia effectus & actus procedentes à causa libera supponunt præviam & omnimodam ipsius indifferentiam & indeterminacionem, ac consequenter priusquam fierent, non erant in determinatione causa, adeoque nec futuri. Secunda sequela probatur: potest aliqua causa esse præparata ad ponendum effectum, veluti morbus ad necandum Ezechiam, ignis Babylonius ad comburendos pueros; ita tamen, ut non sequatur effectus, ergo posset aliquid esse futurum, quod tamen nunquam ponret extra causas: adeoque esset & non esset futurum.

Resp. ad primam sequelam: Est absurdum aliquid fieri in tempore, quod antea non fuit futurum simpliciter per ordinem ad causam primam, ita nempe, ut nullum de ipsius existentia fuerit decretum in causa prima, concedo: est absurdum per ordinem ad omnes etiam inferiores causas,

nego. Ad secundam sequelam Resp. est absurdum, aliquid esse simpliciter & absolute futurum per ordinem ad omnes causas, quod nunquam sit præsens, conc. aliquid esse futurum secundum quid & per ordinem ad causas secundas, quod nunquam sit præsens, nego. hoc enim ex S. Scr. D. Th. & Ariftotele supra ostendit.

Objicit tertio Suarez. Si denominatio futuritio formaliter proveniret à determinatione causa, tunc futura essent, & non essent futura, quod implicat. Essent futura ex hypothesi; non essent, quia quod effectus habeat esse præparatum in causa, non est aliquid futurum, sed præsens; sed in hoc esse præparato & determinato considereretur ratio futuri: ergo futurum esset aliquid præsens, & non esset futurum.

Resp. primò. Etiam Adversariis hoc esse solendum, qui futuritionem constituant in præsenti negatione existentiae cum habitudine ad existentiam habendam in tempore subsequenti. Resp. secundò, futura essent futura, & non futura seu præsenta, diverso respectu, conc. eodem nego. Ipsa igitur futura essent præterita secundum terminum denominationis futuritionis, & habitudinis causæ ad existentiam effectui postea tribuendam, quam habitudinem futurum dicit in recto; essent verò futura & non præsenta secundum exercitium existentiam per modum termini importanter in obliquo. Unde paucissimis distinguuntur, sunt præterita secundum quod dicuntur in recto concordantibus in obliquo, nego.

Instabis primò ex D. Augustino l. 11. Confess. c. 10, dicente: *Dicuntur tempora tria, præsens, præteritum & futurum, sicut abutitur coniunctio, dum tamen intelligatur, quod dicuntur, neque id, quod futurum est esse iam, neque id, quod præteritum est.*

Resp. tenuimus S. Patrem esse, quod res futura, vel potius tempus futurum (de quo loquitur) nihil sit entitative in se ipso, non autem quod nihil sit determinative, seu in preparatione & determinatione causa. Responderi potest secundò cum Godoy, S. Patrem loqui contra opinionem vulgaris, sibi imaginantis, temporum differentias, præteritum & futurum existere in le ipsis: cui opinione se opponens affirmat; illas solūm in mente existere; non ideo negat futuritionem rerum in causatum propensione consistere, ut ex aliis ipsis textibus fit manifestum.

Instabis secundò. S. Pater comparationem facit inter præterita & futura: ergo sicut ad denominationem & determinationem præteriti sufficit existentia prius habita cum negatione existentiae pro nunc; ita etiam ad denominationem futuri sufficit existentia post habenda cum negatione existentiae pro nunc, & sicut cum dico, *Adam est præteritus*, nihil enunciatur de præteriti; ita cum dico: *Antichristus est futurus*, nihil enunciatur de præteriti.

Resp. neg. consequentiam, & paritates inclusas in consequente: nam D. Augustinus in hoc solūm facit comparationem inter præteritum & futurum, quod neutrum existat in se ipso. In ceteris verò disponit in §. 3. indicata est, quod existentia præterita, cum fuerit in se extra causas posita, adeoque intrinsecè determinata, possit esse sufficiens determinativum ad formalem denominacionem

præteriti : econtrà existentia, quæ futura dicitur, cum adhuc sit intra causas contenta, & in se ipsa nondum determinata, hoc ipso non possit esse determinativum sufficiens ad tribuendam anticipatè denominationem futuri. Rursus: actualitas & suppositio existentie est prior denominatione præteriti, adeoque tamē non amplius sit, tamen potest præstare denominationem & determinationem præteriti: atqui actualitas existentie habenda pro tempore futuro est quid posterius tempore presenti, pro quo enunciatur aliquid futurum: unde necesse est aliquid aliud determinativum pro tempore præteriti, cum alias sequeretur quod determinatio rei à statu possibiliter ad statum actualitatis præcederet suum determinativum, & effectus causarum, quod implicat.

33. Initibus tertio. Hæc propositiones aequivalent, *Antichristus erit*, & *Antichristus est futurus*; sicut aequivalent ista: *Adam fuit* & *Adam est præteritus*: nam sicut ista posteriores relolvuntur in hanc propositionem, *Adam habuit existentiam*, ita priores in hanc resolvuntur: *Antichristus habebit existentiam*, atqui Antichristus est formaliter perficiunt existentiam: ergo per eundem formaliter est futurus.

Resp. Distinguuntur veritate majoris, quam mentio negat Godoyus, scilicet Doctor Angelicus una cum Philosopher disertè facetur, quod *futurus aliquis incedere non incedet*: distinguo majorē, aequivalent hæc propositiones, si propositio, *Antichristus erit*, faciat hunc sensum: in tempore præsentis verum est dicere, quid *Antichristus erit*, conc. majorē; si faciat hunc sensum: in posteriori tempore aliquando dabitus insians, in quo verum sit dicere: *Antichristus est*: nego major, sed *Antichristus erit* formaliter per suam existentiam, in posteriori acceptione conc. quia tunc supponitur effectus per suam existentiam formaliter extra causas postiustis, conc. in priori, nego minor, & consequentiam.

Si dicas: Hæc propositione: *Antichristus erit*, vel *habebit existentiam*, nihil dicit de præsenti: ergo nec illa: *Antichristus est futurus*. Distinguo antecedens: nihil dicit de præsenti in ipso Antichristo, conc. nihil in causa, nego, vel subdistinguendo: nihil dicit signate & explicitè, sicut hæc propositione: *Antichristus est futurus*, conc. nihil implicite & exercitè, nego, non enim esset aliquando verum dicere *Antichristus est*, nisi antecedenter & de præsenti verificaretur actualitas futuritionis, ut optimè advertit Henric. à S. Ignat. dist. 8. de scientia Dei a. 4.

34. Obijc. tertio. Sequeretur, quod formale constitutivum futuritionis esset decretum DEI; sed hoc dici nequit; ergo præparatio causarum non potest esse formalis ratio constitutiva futuritionis. Sequela est manifesta: quia omnium aliarum causarum præparatio est inefficiator, quām causa prima, & in cauflando ab ipsa dependet: si ergo inferiorum causarum præparatio & determinatio esse formale constitutivum futuri inesse futuri, id multò posteriori jure convenient causa prima, seu decretum Divinum. Minor probatur. Objectum & effectus decreti Divini non potest formaliter constitui per decretum divinum; sed futurum est obiectum & effectus decreti Divini; nam DEUS

non tantum vult aliqua esse, sed etiam esse futura; ipsaque rerum futuritio non est actualitas à se existens, sed à DEO: ergo futurum non potest formaliter constitui per decretum Divinum. Major probatur: si DEUS causat effectum, vel objectum, causat etiam id, quo constituitur ille effectus vel objectum; sed DEUS non potest causare (altem formaliter suum) decretum: ergo nec potest illud decretum constituisse objectum & effectum decreti Divini.

Respondeo hoc sophisma peccare in confusione sensus specificativi & materialis cum sensu reduplicativo & formalis. Itaque nego minorem argumentum, & majorem probationis. Secundæ probationis majorem, quæ absolutè negari potest, distinguo. Si DEUS causat objectum, vel effectum, causat etiam id, quo constituitur ille effectus, vel objectum; si causat objectum, vel effectum sub omni ratione reduplicata conc. maj. si causat specificativè, sub aliqua ratione nego, vel subdistinguendo maj. causat id, quo constituitur effectus per denominationem intrinsecam, translat, per denominationem extrinsecam, nego maj. & concessa minore quoad formalem causatatem, distinguo consequens; ergo illud decretum Divinum non potest constituire effectus, vel objectum decreti, per denominationem intrinsecam, & effectum, sub qua ratione est effectus, vel objectum directum, conc. per denominationem extrinsecam, & sub qua ratione effectus reduplicative est futurus, nego consequentiam. Datur manifesta instantia in objecto cognito, & volito, ubi omnes creatura tam volite quam cognitae dependent & causantur tam ab intellectu (in sententia Thomistarum) quam à voluntate Divina, suntque objectum utriusque potentiae, simulque in esse voliti formaliter constituantur per voluntatem, in esse cogniti per scientiam Divinam. Ergone DEUS causat ipsam suam scientiam & voluntatem tanquam constitutiva objectorum in esse cogniti & voliti? Nequaquam, quia nimirum causat illa objecta in sensu specificativo, quæ sunt cognita & volita; non quatenus talia, neque illa constituit intrinsecè, sed extrinsecè in esse cogniti & voliti. Sic patiter DEUS causat futura efficienter, quæ sunt futura, non quatenus sunt simpliciter futura per denominationem lux voluntatis & decreti, quāvis si futura secundum quid intelligas, ut sunt in preparacione causarum secundarum, sic etiam causat futura formaliter & reduplicative.

Objectitur quartò. Quo posito, aliisque omnibus seculis habetur formaliter futuritio rei, illud est formale denominativum & determinativum futuritionis: atqui positâ negatione existentia pro nunc, & existentia actualitate pro tempore sequenti, habetur formaliter denominatio futuritionis, seclusio omni alio, ergo.

Respondeo negando minorem: imò est repugnantia in adjecto, ut concipiatur negatio conexa certò cum actualitate existentia habenda pro tempore subsequenti, quia concipiatur causa determinata & præparata ad auferendam negationem existentia: cum enim negatio Antichristi v. g. ex se sit prorsus indifferens ut præcedat vel non præcedat existentiam Antichristi, non aliud

R. P. Mezg. Theol. Schol. Tom. I.

R. 2

de

de habere potest, quod certo præcedat ejus existentiam, canque ut ponendam connotet, nisi propter determinationem causæ ad suo tempore ponendam existentiam Antichristi.

Dices. Ad denominationem præteriti sufficit negatio existentia connotata pro tempore antecedente, nec est necesse, ut ejus constitutionem ingrediatur causa, vel decretum quantumvis absque illa non potuerit poni existentiam; ergo neque ad constitutionem futuri necesse erit, ut intrinsecè ingrediatur determinatio causa & decreti Divini.

Respondeo ex iam dictis, esse disparitatem, quod existentia temel exira causas posita, hoc ipso, quod definit, determinet negationem consequentem ad connotationem sui, ita ut repugnet, quod illa negatio non connotet existentiam præcedentem, seu terminum à quo; atqui negatio antecedens existentiam est ex se in differenti, ut connotet, vel non connotet existentiam consequentem, nec potest illa indifferentia auferri, nisi per determinationem causa & decreti divini, ut dictum est.

36. Objic. quintò. Formalis malitia peccati est futura ab aeterno; sed non est futura ab aeterno in determinatione aliquius causæ: quia hæc ab aeterno alia esse non posset, quam causa prima, que formalis malitia causa esse non potest: ergo futurum non formaliter accipitur à praesenti determina-

natione causa. Respondeo usque ad ulteriorem hujus difficultatis explanationem dicit, minor.

Non est futura in determinatione causa physice causantis, concedo, permittens & ex sua permissione logicè inferentis, nego, ergo causum non rectè lumen ex determinatione causa, tantum physice causantis, conc. vel physicè causantis, vel permittens, & logicè, infallibiliter, men inferentis, nego consequentiam. Senluse, quod cùm formale peccati non sit effectus physicus habens causam efficientem, sed deficientem (præterim si mecum constitutas in privativo) sic non est futurum physicè, sed logicè tantum; idoneum non requirit physicam & positivam causam determinationem, seu decretum positivum, sed tantummodo determinationem permisivam. Cum enim DEUS non preparat efficacia subsidia causis secundis, quibus in aliarum causarum congrexis non deficiant, defectus infallibiliter sequitur; non quidem per certitudinem causalitatis, sed logicæ consequentia & illationis: idèoque DEUS iusto suo iudicio denegando aliquibus causis efficiaciam ad bene agendum subsidia (quod est permisivum, non positivum decretum) videt in hac permisiva determinatione tuæ providentia futura causarum defectus & formalem actionem mali-  
tiam, de quo in seq.

## ARTICULUS II.

*Quomodo DEVS cognoscet futura contingentia?*

### S U M M A R I A.

1. Sententia Egidii Romani exponitur.
2. Impugnatur.
3. Modus, quo idea futura representant ex S. D.
4. Solvitur fundamentum Egidii.
5. Sententia decretis ut futuris exponitur.
6. Impugnatur auctoritate & ratione.
7. Argumentum ab hypothesi impossibili eliditur.
8. An DEVS cognoscet suum decretum ut possibile?
9. Mala illatio à prioritate à quo, ad prioritatem in quo.
10. DEVS decretet create mundum, est propositione simpliciter falsa.
11. Explicatur sententia de supercomprehensione causarum.
12. Impugnatur auctoritate & ratione.
13. Vox supercomprehensionis nihil evincit.
14. An cognitio Divina nostrorum actuum sit conjecturalis?
15. Respondetur ad fundamentum sententie opposita.
16. Qualem indifferentiam habeat voluntas ut premota?
17. Sententia de cognitione futurorum in illorum obiectiva veritate impugnatur auctoritate.
18. Et ratione perit ex cognoscibiliitate rerum.
19. Secundo ex destructione contingentie.
20. Prima replica de necessitate ex suppositione libera determinationis oppugnatur.
21. Altera replica de suppositione, quod evenit contingenter erit, refutatur.
22. Tertia ratio ex praedictio Divini domini.
23. Quarta ratio a paritate possibilioris ad futuritionem.
24. Vider DEVS futura contingentia in sua essentia determinata per liberum decretum.
25. Auctoritas D. Augustini propter Angel. Dog.
26. Rationes pro sententia Thomistica.
27. Occurrunt evasioni Adversariorum.
28. Nullum inde nascitur prejudicium libertati.

### §. I.

DEVS futura contingentia antecedenter ad suum decretum non videt in ideis.

AE Gigi Romanus ad salvandam certitudinem, i. Divina scientia de futuris contingentibus confudit ad ideas, hæc uis ratione: Ideæ Divinae, cùm sint infinitæ in representando, & sint in signo antecedente Decretum DEI, debent presuppositivè ad omne decretum DEI representabilem omnem creaturam representabilem: atque in cumulo omnium creaturarum representabilium continentur etiam futura contingentia; ergo antecedenter ad Divinum decretum futura contingentia in ideis representantur, & cognoscuntur.

Sed contra est primò: futurum representant nequit, antequam sit futurum; sed contingentia ante-